



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sùlla prùma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>
Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziun: in viadi

Sculpturas e pitturas dad Antoinette Simmen: Dialog tanter dürabilità e müdamaint.

Sonda e mardi 17.00 – 19.00 Grotta da cultura Schigliana, entrada libra.

Sco anteriura restoratura per graficas originalas as interessa **Antoinette Simmen** per la lavur artischana e per la colliaziun da material, tecnica e fuorma. Hozindi lavura ella culla tecnica scagliola (Stuckmarmor) e cun terracotta. Ella chatta sia ispiraziun tant illa natüra sco eir in spazis urbans.

Ingio vivain no – co ans muantain no tras il spazi cha no partin?

"Quistas dumondas m'accumpognan fingià daspö lönch. La chasa, sco simbol da patria, protcziun e appartgnentscha, famiglia e ragischs fuorman ün punct da partenza fix.

A l'istess mumaint cumpara adüna darcheu il motiv da la nüvla - ün simbol per movimaint e passagerità.

Eir i'l muond digital discurrina da „clouds“.

Uschè nascha in mias sculpturas e pitturas ün dialog tanter dürabilità e müdamaint, esser da chasa ed esser in gir - tanter quai chi resta e quai chi passa."

Crimi 3: "Alpentroll" dad Erika Sommer

I'l rom da nosssa seria cul tema crimi regional in Grischun ans preschainta Erika Sommer seis crimi grischun "Alpentroll".

Venderdi, 06-03-2026 20.15 Grotta da cultura Sent, Schigliana. Collecta.

Reservaziun (suotvart) facultativ

«In einem Bergtal des Kantons Graubünden ist es vorbei mit der Ruhe. Projekte zur Förderung des Tourismus und der geplante Bau eines Windparks erhitzen die Gemüter. Was hat Helgi Sigurðsson, ein isländischer Professor, mit all dem zu tun?....»

Erika Sommer passainta bler temp illas muntognas per chaminar, per scriver ed observar utschels. Seis interess pel svilup da la regiun da las Alps e per la debatta da clima ha ella elavurà in ün crimi plain tensiun cul nom »Alpentroll«. Implü ha ella scrit duos gös auditivs criminals da Scuol chi sun eir amo hozindi divertaivels e plain tensiun.

"Livres Pour Survivre"

«Livres Pour Survivre» (cudeschs per surviver) da e cun Matz Hoby es ün solo da teater documentaric sur da creatività sco strategia per surviver.

Venderdi, 13-03-2026 20.15 Grotta da cultura, Saletta in chasa da scoula Sent. 5.00/20.00/25.00

Cun üna misculanza da teater, musica-live, disegns projectats e texts. E cun ADHS.

Impè da's laschar buollar cun plects sco ‚deficits‘ e ‚disturbi‘, tschercha **Matz Hobi** perspectivas novas – critic, creativ e persunal, sainza cumpromiss.

GÖ Matz Hoby, REGIA Vita Malahova, TECNICA Prisca Grandi

Alma im Gewittersturm

Angelika Overath inscuntra a Marianne Lüthi – üna prelecziun d'ün cudesch cun purtrets per pitschen e grond. Chasa da scoula Sent, saletta. collecta. Info: grottadacultura.ch

Marianne Lüthi as ha partecipada a la scoula da scriver pro Angelika Overath e Manfred Koch. Uossa es cumparü seis cudesch cun purtrets «Alma im Gewittersturm», cun illustraziuns da Stéphanie Lobmaier.

Alma chi ha bod quatter ons passainta la stà cun mamma e nana in üna chamonna illa Val Dischma, la plü lunga val laterala da la cuntrada da Tavo. 'Duman vegna sü pro'l lai da muntogna', disch Alma a sia poppa Nina, avant co ch'ella va in let. 'Be suletta. Be tü poust gnir cun mai.' ...

Ün invid - ad uffants giuvens, da sföglier i'l cudesch da purtrets, da's metter in viadi per scuvrir insembel aventüras, da fabular, discuorrer insembel o simpöamaing da tadlar - a raquintaders d'istorgias per giovar insembel cun plects, melodias da la lingua e rimas.

PER NOSSAS SENIORAS E NOSS SENIORS

Sent refuormà

**PRO
SENECTUTE**

PLÜ FERMS INSEMBEL

Società da duonnas

Mardi, 3 marz a las 14.00 in Chasa Misoch

Davomezdi da film cun Jachen Prevost dal RTR

Jachen ha preparà ca. ün'ura films da Sent e contuorns our dal archiv dal RTR. Cun caffè e tuorta.

Id invidan la Corporaziun evangelica, la Pro Senectute e la Società da duonnas

Annunzchas fin ils 27 favrer: a Seraina Riatsch 079 672 07 73 o a Chatrina Ritzmann, 081 864 93 59

Da vender - Zu Verkaufen

Sent / Flüs 618

Chasa cun terrain, parcella 10477 / 1089 m2, Chasa al Sulai.

5 Zimmer / Küche und Wohnzimmer / Bad mit WC / Estrich Keller und Garage.

Preis nach Anfrage.

Telefon Natel: J. Gartmann 079 312 11 46, S.Gartmann 079 734 77 81

CORPORAZIUN EVANGELICA SENT**Cults divins**

DUMENGIA, 8 MARZ

Cult divin

10.45, tudais-ch/rumantsch, rav. Hans-Peter Mathes

Orgel: Pasquale Bonfitto

I contribuischa la musica instrumentala da Sent

DUMENGIA, 22 MARZ

Cult divin

10.45, tudais-ch/rumantsch, rav. Hans-Peter Mathes

Orgel: Pasquale Bonfitto

DUMENGIA DA LAS PALMAS, 29 MARZ

Cult divin da Confirmaziun

10.00, rumantsch/tudais-ch, rav. Hans-Peter Mathes e pred. laica Seraina Guler

Orgel: Urs Wittwer

Las confirmandas ed ils confirmands:**Jana Benderer, Sina Dosch, Anita Felix, Mattia Emil Fretz, Gian Claudio Laurent, Mia Soraia Lopes, Chloe Njeri, Arina Nuotclà, Luca Cla Sedlacek****Davo il cult divin suna la musica davant baselgia ed i vain offri ün aperitiv****Eucharistiefeier, röm.-kath.**

19.00, deutsch/rumantsch, Pfr. Chr. Willa

Orgel: Peder Vital

VENDERDI, 13 MARZ

16.45, Cult divin pel di d'urazchun mundial illa baselgia catolica a Scuol

rumantsch/tudais-ch, cun duonnas da la regiun

La liturgia deriva da la Nigeria cul vers biblic: "Eu as vögl rinforzar, gnit pro mai!" evangeli da Matteus 11, vers 28-30.

Adressa: Corporaziun evangelica Sent

rav. Hans-Peter Mathes, Avant Baselgia 80, 7554 Sent, telefon 079 583 79 56, hpmathes@bluewin.ch

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch

Samaritans Sent - Exercizi public: reanimaziun

Sgüra vais fingià vis e notà ils defibrilators chi sun postats in lös centrals. Savais co tils dovra in cas urgiaint? Scha nun eschat sgürs, alura gni al exercizi public dals Samaritans Sent. Nus exercitain la reanimaziun in general.

Sicher haben Sie die Defibrillatoren gesehen, die an zentralen Orten platziert sind. Können Sie diese in Notfällen anwenden? Wenn Sie nicht sicher sind, dann kommen Sie an die öffentliche Probe der Samaritans Sent.

Cura? In lündeschdi, ils 16 marz 2026 a las 20.15

Ingio? Inscunter pro la baselgia da Sent (defi) e lura ir insembel a la località d'exercizi

Wann? Am Montag, den 16. März 2026 um 20.15 Uhr

Wo? Bei der Kirche in Sent (defi), dann als Gruppe zum Übungsraum

Ulteriuras provas dal 2026 per chi chi ha interess da's partecipar cun annunzcha:

16 marz	Reanimaziun (exercizi public)
20 avrigl	Immobilisaziun
25 mai	Star post
20 gün (sonda)	exercizi cumünaivel cun Zernez e Val Müstair (a Zernez)
17 avuost	Cuorsa da posts
14 settember	Hockey
05 october	Algoritems / Smedrix
09 november	Arsas o dons da chalur
07 december	referat da meidi e Niculaus



Las prouvas han lö per regla in lündeschdi a las 20.15 illa Centrala Sent (sur la scoulina)

Contact:

Yvonne Taverna: 079 399 64 48

Annalea Stuppan: 079 764 95 76

Schreibschule Sent

**Im Eigelb
wohnt ein Igel**

–

**Aint illa nuorsa
dorma ün uors**

–

**Abschluss-
lesung des
Schreibschul-
jahrs 2025**

Sonntag, 1. März 2026
15:00 – 16:30 Uhr
Chasa Misoch
Avant Baselgia 81, Sent
Postauto-Haltestelle: Sent Plaz

danach Apéro riche mit
Begegnungen, Gesprächen

Eintritt frei, Kollekte

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>

Ingüna reservaziun da plazzas - la chascha es averta ün'ura avant il concert.

Dumengia, als 22 marz 2026, a las 17:00, collecta

Nicole Johäntgen – Saxophon

AUFTAKT: Leon Burian (Sedlacek) aus Uster/Sent – Klavier

Mit einem Atemzug füllt Nicole Johäntgen den Raum – und das Herz. Sie fusioniert Jazz und Klassik. Sie lässt Töne schweben und übereinanderliegende Melodien strahlen. Sie singt mit ihrem Instrument – ideal in der Kirche Sent!



Sent, ils 20 favrer 2026

Cun plaschair As invidaina eir quist on a la radunanza generala da nossa società.

La SÜP ha üna rolla importanta in nos cumün. Cun sustegn da bleras varts esa pussibel dad organisar concerts, manar la biblioteca, mantegner il Prümáran Prà San Flurin, cultivar las alleas, dar oura il Mas-chalch e dad organisar otras sportas per indigens e giasts.

La società viva cun e da seis commembers. Nus pigliain jent incunter intimaziuns per activitats.

Bannida a la radunanza generala

in marcurdi, ils 18 marz 2026, a las 20.15 h in Chasa Misoch

Tractandas:

Salüd

Elecziun da duos scrutinaduras e/o scrutinadurs

Protocol da la radunanza generala dals 26 marz 2025

Rapports e programs da lavur da la differentas secziuns

Rendaquints 2025 da la gestiun generala e da las secziuns, cun rapports da revisiun

Tschernas

Contribuziun annuala

Varia

Cun amiaivels salüds,

Per la suprastanza da la SÜP

Jan Sedlacek, president



scoula Sent

sonda, 28 favrer 2026

Urari dal cortegi official

Crusch ca.	06:50 (be scolarAs da 5-9avla)
Sur En (cumün) ca.	07:30 (be scolarAs da 5-9avla)
Sur En (camping) ca.	07:45 (be scolarAs da 5-9avla)
Sent (Avant Baselgia)	08:50 (tuot ils las scolarAs + scoulina)
Schigliana ca.	09:40 (tuot ils las scolarAs + scoulina)
Chascharia ca.	11:20 (tuot ils las scolarAs + scoulina)

Traget

Avant Baselgia - Bügliet - Sala - Stron - Surataglia - Vidos - **Schigliana** (cun marena per minchün) - Archas sura - Archas - Bügl süt - Curtin sura - Curtin - Plazzetta - Saglina - Foura da Büz - Chasellas - Plaz – **Chascharia**

Bal da pitschens – ENTRADA LIBRA

14:00 – 18:00 e 20:00 – 24:00

prolungaziun fin a las 02:00 per creschüts e scolaras e scolars dal s-chalin ot in accumpognamaint da lur genituors